



## ШАВКАТ МИРЗИЁЕВ: ҚҲҲИ ПОҒОНАДАГИ РАҲБАРЛАР ДУНЁҚАРАШИНИ ЎЗГАРТИРИБ, ТАДБИРКОР БИЛАН ДЎСТ БЎЛИБ ИШЛАМАСА, НАТИЖА БЎЛМАЙДИ

Президент Шавкат Мирзиёев раислигида 8 апрель куни ҳудудларда тадбиркорликни ривожлантириш ва аҳоли бандлигини таъминлаш борасидаги устувор вазифалар юзасидан видеоселектор йиғилиши ўтказилди.

Тадбиркорлик мамлакатимиз иқтисодиётининг устувор йўналиши этиб белгиланган ва давлат томонидан қўллаб-қувватлаб келинмоқда. Хусусан, ўтган йили кичик бизнес субъектларига жами 120 триллион сўмлик кредит ва молиявий ёрдамлар ажратилди. Натижада, пандемиядан зарар кўрган 104 мингдан ортиқ корхона фаолияти тикланиб, хусусий корхоналар пул айланмаси ўтган йилга нисбатан 33 фоизга ўсди.

Жорий йилнинг биринчи чорагида 27 мингта янги тадбиркорлик субъектлари ташкил топган. Тадбиркорлик учун ажратилган кредитлар ўтган йилнинг мос даврига нисбатан 13 фоизга ўсган.

Йиғилишда айрим ҳудуд ва сектор раҳбарлари яратилган бу имкониятлардан халқимизга тўлиқ фойдалана олмаётгани қайд этилди.

— Жуда оғир йилларда яшаймиз. Ҳар куни изланиш, интилиш ва пировард мақсадга ишлаш керак. Тадбиркорни қўллаб-қувватламасак, уларга шароит яратмасак, тадбиркорларни қўлайтирмасак, шаҳар ва туманларда маҳаллий бюджет қўлаймайди-ку. Биз қанчалик кўп маблағ бермайлик, фармон-қарорлар қабул қилиб, шароит яратмайлик, қўйи поғонадаги раҳбарлар дунёқарашини ўзгартириб, тадбиркор билан дўст бўлиб ишламаса, натижа бўлмайди, — деди давлатимиз раҳбари.

Танқидий руҳда ўтган йиғилишда ҳокимлар ва сектор раҳбарларига ўз ҳудудда тадбиркорликнинг аҳоли қўрсатиб ўтилди. Мутасаддилардан қайси ҳудудда қайси тадбиркорлик йўналишлари ривожлантирилиб, нечта янги лойиҳа амалга оширилиши, қанча иш ўрни яратилиб, қанча аҳоли иш билан таъминланиши бўйича сўров бўлди.

Айтиб ўтилганидек, ривожланишдан ортда қолган 33 та тумандан 28 тасида кескин ўзгариш бўлган. Бу туманларда 2 мингта янги лойиҳа бажарилиб, 25 мингта янги иш ўрни яратилган.

Вилоят, туман ва шаҳар ҳокимларига шу тажриба асосида, ҳар бир маҳалланинг ривожланиш дастурини ишлаб чиқиб, маҳаллий кенгашларда тасдиқлаш, ижросини ташкил этиш бўйича кўрсатмалар берилди.

Тадбиркорлик учун ер ва бинолар ажратиш масаласи ҳам муҳокама қилинди.

Давлатимиз раҳбари аҳоли бандлигини таъминлаш учун уларга ўзи яшайдиган маҳаллада шароит яратиб бериш зарурлигини таъкидлади.

Масалан, маҳалла идоралари биносида тадбиркорлик лойиҳаларини ишга тушириш ёки хусусий шериклик асосида бино қуриб, биргаликда фойдаланиш мумкин. Шунингдек, замонавий конструкциялардан кўчма шохобчалар қуриш ҳам қўлай ва арзон.

Мутасадди ташкилотларга энгил конструкцияли савдо ва хизмат кўрсатиш шохобчаларини ташкил этиш, уларни аукцион орқали жойлаштириш тартибини ишлаб чиқиш вазифаси қўйилди.

Чекка ҳудудларда жойлашган ер участкаларининг бошланғич нарҳини 50 фоизгача чегирма билан сотувга қўйиш ваколатини маҳаллий кенгашларга бериш таклифи билдирилди. Бундан ташқари, унумдорлиги паст бўлган ва фойдаланилмаётган қишлоқ хўжалиги ерларида ҳам кичик саноат зоналари ташкил этиш мумкинлиги айтилди.

Бизнес барқарорлиги учун инфратузилма суви ва ҳаводек зарур. Лекин жойларда бу борада камчиликлар борлиги тадбиркорлик ривожига тўсиқ бўлмоқда.

Жумладан, инфратузилмадаги муаммолар туфайли 320 та тадбиркор сўнгги 2 йилда импорт қилган 220 миллион долларлик асбоб-ускуналарини ишга тушира олмапти.

Яна бир мисол — электр қуввати паст бўлгани боис, Янгиҳаёт туманидаги 24 та корхонада 2,5 мингта иш ўрни ва экспортдан йилга 25 миллион доллар йўқотилмоқда. Шу боис, саноат зоналарини инфратузил-

ма билан таъминлашга жорий йилда 2 триллион сўмдан зиёд маблағ ажратилмоқда. Бунинг эвазига йил якунига қадар 168 та саноат зонаси 468 километр электр энергияси, 362 километр газ, 405 километр сув ва 104 километр йўл билан таъминланади.

Бизнес-омбудсманга жойларга чиқиб, тадбиркорларнинг инфратузилма билан боғлиқ муаммоларини ўрганиб бориш ва уларни ҳал этиш бўйича Бош вазирга таклифлар киритиш топширилди.

Тадбиркорларни молиявий қўллаб-қувватлаш масаласига алоҳида эътибор қаратилди.

Пандемия даврида хизмат кўрсатиш соҳасини ривожлантириш учун 1 триллион сўм ажратилган эди. Бунинг ҳисобидан 20 мингта янги иш ўрни яратилди.

Шу боис, Марказий банкка жорий йилда оилавий тадбиркорлик учун ажратилаётган маблағларнинг камида 1 триллион сўмини хизмат кўрсатиш соҳасидаги янги лойиҳаларга йўналтириш бўйича кўрсатма берилди.

Шунингдек, компенсация бериладиган кредитлар фоизи миқдори Марказий банк асосий ставкасининг 1,5 бараваридан 1,75 бараваригача оширилиши белгиланди.

Жорий йилда тадбиркорларга айланма маблағлар учун камида 40 триллион сўм кредит, бундан ташқари, Экспортни рағбатлантириш агентлигининг 1 триллион сўми ҳисобидан экспортёрларга "револьвер" кредитлар ажратиш мумкинлиги айтилди.

Тадбиркорларни қўллаб-қувватлашни кенгайтириш мақсадида уч йил давомида солиқларни ўз вақтида тўлаган интизомли тадбиркорларга солиқларнинг 50 фоизини бўлиб-бўлиб тўлаш ҳуқуқини бериш тартиби ишлаб чиқилди.

Шунингдек, экспортнинг валютаси чет элдан ўз вақтида келиб тушмагани учун жараима миқдорини 2 бараварга қисқартириш, мажбурий ижро орқали ундирилмаган қарз-

дорликни бюджет ва тадбиркорлар фойдасига тенг тақсимлаш бўйича топшириқлар берилди.

Давлат харидлари кичик ва ўрта бизнес учун катта имконият экани, ҳокимлар тадбиркорларни ушбу жараёнга янада фаол жалб қилиб, уларнинг давлат харидларидаги улушини камида 2 бараварга ошириши зарурлиги таъкидланди.

Тадбиркорлик ривожини бандлик масаласи билан боғлиқ, Жорий йилда бандлик дастури асосида 457 мингта доимий янги иш ўрни ташкил этиш мақсад қилинган.

Хусусан, кичик ва ўрта бизнес корхоналари ҳамда янги яққа тадбиркорлар фаолиятини ташкил этиш ҳисобига 210 мингта, тармоқ ва ҳудудий инвестиция лойиҳалари ҳисобига 248 мингта янги иш ўрни очилди мўлжалланган.

Бундан ташқари, 40 минг нафар ишсизларга ўзини ўзи банд этиши учун 92 миллиард сўм субсидия ажратилиши белгиланган. Йиғилишда бу масаланинг долзарблигига яна бир бор аҳамият қаратилиб, мутасаддиларга қатор топшириқлар берилди.

Жорий йил биринчи чорагида 36 триллион сўм бюджет тушуми таъминланиб, маҳаллий бюджетлар ихтиёрида 1,6 триллион сўм қолдирилгани қайд этилди. Бор манбаларни кенгайтириб ва қўшимча захираларни таҳлил қилиб, бундан буён ҳам тушуларни қафолатли таъминлаш масалаларига ҳам тўхталиб ўтилди.

Фаолиятда сусткашликка йўл қўйган, тадбиркорлар билан ишлашга етарлича эътибор бермаган ҳокимлар ва сектор раҳбарларига нисбатан интизомий чоралар белгиланди.

Видеоселектор йиғилишида муҳокама қилинган масалалар юзасидан соҳа ва ҳудудлар раҳбарлари ахборот берди.

ЎЗА

## Ўзбекистон Республикаси Президентининг ҚАРОРИ

### МУБОРАК РАМАЗОН ОЙИНИ МУНОСИБ ТАРЗДА ЎТКАЗИШ ТЎҒРИСИДА

Янги Ўзбекистонни барпо этишга қаратилган кенг қўламли илоҳотлар натижасида барча соҳалар қатори диний-маърифий ҳаётимизда ҳам катта ўзгаришлар юз бермоқда. Муқаддас динимизнинг тинчлик, дўстлик, бағрикенглик ва инсонпарварлик ғояларини, ислом цивилизацияси ривожига беқийёс ҳисса қўшган улуғ аждодларимизнинг бой илмий меросини ўрганиш ва тарғиб этиш, ёшларни шу руҳда соғлом ва баркамол этиб тарбиялаш, жаҳолатга қарши маърифат билан қурашиш борасида кенг имкониятлар очилмоқда.

Айниқса, юртимиз мўмин-муслмонлари халқимиз учун асрлар давомида эзгулик, меҳр-оқибат ва хайру саховат рамзи бўлиб келган муқаддас Рамазон ойини катта шоду хуррамлик ва шукроналик билан қутиб олиб, эзгу амалларни адо этмоқдалар.

Ушбу муборак ойнинг жамиятимиз ҳаётида тинчлик-барқарорлик, ўзаро ҳурмат ва ҳамжиҳатлик муҳитини янада мустаҳкамлаш, халқимизнинг диний-маънавий қадриятларини асраш ва ривожлантириш борасидаги аҳамиятини ҳисобга олиб ҳамда уни ҳар томонлама муносиб ўтказиш мақсадида:

1. 2021 йил муборак Рамазон ойининг бошланиши 13 апрель кунига тўғри келиши ҳақидаги Ўзбекистон муслмонлари идорасининг ахбороти маълумот учун қабул қилинсин.

2. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари Дин ишлари бўйича қўмити, Маҳалла ва оилани қўллаб-қувватлаш вазирлиги ҳамда бошқа жамоат ташкилотлари билан биргаликда Рамазон ойини карантин қоидаларига риоя қилган ҳолда миллий анъана ва қадриятларга мос ва муносиб ҳолда ўтказишга қаратилган чора-тадбирларни амалга оширсин.

Жойларда Рамазон ойининг мазмун-моҳиятида муҷассам бўлган инсонийлик, маънавий поклик, сабр-қаноат каби фазилатларни эъзозлаш, бугунги тинч ва фаровон ҳаётимизни қадрлаш, одамларни бир-бирига яхшилик қилиши, аҳил ва ҳамжиҳат бўлиб яшашга даъват этилган ҳамда ёш авлодди она Ватанга муҳаббат, азалий анъана ва қадриятларга ҳурмат руҳида тарбиялашга хизмат қиладиган тарбиёт тадбирларини ўтказишга алоҳида эътибор қаратилсин.

3. Ўзбекистон Миллий телерадиокорпорацияси, Ўзбекистон Миллий ахборот агентлиги ва бошқа оммавий ахборот воситалари Рамазон ойини ўтказиш билан боғлиқ тадбирларни кенг ёритиш тавсия этилсин.

4. Мазкур қарорнинг ижросини назорат қилиш Ўзбекистон Республикасининг Бош вазирини А.Арипов зиммасига юклансин.

Ўзбекистон Республикаси Президенти

Ш.МИРЗИЁЕВ

Тошкент шаҳри, 2021 йил 8 апрель

## 9 АПРЕЛЬ — АМИР ТЕМУР ТАВАЛЛУД ТОПГАН КУН



### ХАЛҚ ИЧИДАН ЧИҚҚАН ҚАҲРАМОН

Муҳаммад АЛИ, Ўзбекистон халқ ёзувчиси, профессор

Соҳибқирон Амир Темури кўрагон қурган буюк давлат ва унинг ворислари бўлган темурийлар салтанати жаҳон тарихида улкан из қолдирганлиги билан алоҳида аҳамиятга эга. Бу сулола вакиллари салкам беш юз йил давомида юрт бошқарди, жаҳон тарихига муносиб шакли шамойил беришда, дунё маданиятини ривожлантиришда улкан саъй-ҳаракатлар кўргизиб, жумла мўъминни, башариятни хайратга солди. Тарихда бемисл ҳодисага айланган бу оламшумул хайрат ҳали-ҳануз давом этиб келмоқда ва интихо билмаяжакдир.



Давоми 6-бетда

## ХОРИЖ МАТБУОТИ ЎЗБЕКИСТОН ҲАҚИДА

### THE NATIONAL: ЎЗБЕКИСТОН ЯҚИН ШАРҚДАГИ ЙИРИК ИНВЕСТИОРЛАР УЧУН "ҚАЙНОҚ МАНЗИЛ"ГА АЙЛАНГАН

Бирлашган Араб Амирликларининг The National нашрида "Masdar" Ўзбекистондаги шамол электрстанцияси қувватини оширади" сарлавҳали мақола эълон қилинди. Унда қайта тикланувчи энергия манбалари билан шуғулланувчи Абу Даби шаҳридаги "Masdar" компанияси Ўзбекистондаги шамол электрстанциясини қуриш лойиҳаси қувватини 1,5 ГВтгача ошириш юзасидан келишувга эришгани, бу Марказий Осиёдаги энг йирик лойиҳалардан бири бўлиши ҳақида сўз борган.

Таъкидланганидек, мамлакатда энергия ишлаб чиқариш соҳасида катталли жиҳатидан иккинчи ўринда турувчи мазкур электрстанцияни қуриш учун 600 миллион доллар миқдорда инвестициялар жалб қилиш кўтилмоқда.

Навоий вилояти Зарафшон шаҳрида амалга оширилаётган мазкур лойиҳа шамол эрдмида 3 ГВт миқдорда электр энергия ишлаб чиқариш бўйича белгиланган мақсадларга эришилишига ёрдам беради. Компания Ўзбекистонда электр энергияси ишлаб чиқариш қувватиди қайта тикланувчи манбалар улушини 25 фоизга етказишни режалаштирмоқда.

— Ўзбекистонда барқарор ўсиш суръатларини таъминлашда табиат ўзгаришига қарши

қурашиш, шунингдек, дунё иқлимини яхшилаш мақсади йўлида аниқ натижаларга эришиш учун биргаликдаги ҳамкорлигимизда мисли кўрилмаган имкониятлар мавжуд, — дейди БАА саноат ва илғор технологиялар вазирини, табиат ўзгариши бўйича махсус вакил Султон Ол Жабер нашрга берган интервьюсида. Зарафшондаги 500 МВт қувватга эга станция 2024 йилнинг якунига қадар ишга тушади ва 500 минг уй хўжалигини электр энергияси билан таъминлаш имконини беради.

Лойиҳа Жаҳон банкининг Халқаро молия корпорацияси, Осиё тараққиёт банки ва Европа ривожланиш ва тараққиёт банки маблағлари ҳисобига молиялаштирилди. Мақолада таъкидланишича, Ўзбекистон

#### BUSSINESS

### Masdar to expand capacity of wind farm project in Uzbekistan



Яқин Шарқдаги йирик инвесторлар ўртасида қайта тикланувчи энергияларга инвестиция қилиш учун "қайноқ манзил"га айланган. Саудия Арабистонининг "Acwa Power" компанияси Ўзбекистонда буғ электр станцияси комбинацияланган циклини қуриш лойиҳасини молиялаштириш масалаларини якунлашга эришди.

1,5 ГВт қувватга эга лойиҳа тўлиқ амалга оширилган. Ўзбекистонда электр энергияси бўлган талабнинг 15 фоизи қопланади ва 2,2 миллион тонна карбонат ангидрид чиқиндилари ҳавога чиқарилишининг олди олинади.

## "ЯНГИ ЎЗБЕКИСТОН" УЧУН МАХСУС

### Жанубий Корея парламенти Спикери Пан Бён Сок: ЎЗБЕК ХАЛҚИНИНГ ЭРТАНГИ КУНГА ИШОНЧИ МУСТАҲКАМ

Жорий йил 31 март — 8 апрель кунлари Корея Республикаси Миллий Ассамблеяси Спикери Пан Бён Сок бошчилигидаги делегация Марказий Осиё мамлакатларида бўлди. Ташриф давомида Жанубий Корея парламенти вакиллари Ўзбекистон, Тожикистон ва Қирғизистонда бўлиб, ушбу мамлакатларда қатар учрашув ва музокаралар ўтказди.

30 кишидан ортиқ делегация таркибидан Корея Республикаси парламентидаги давлат бошқаруви, молиявий сиёсат, савдо ва саноат, транспорт, энергетика, қишлоқ хўжалиги, соғлиқни сақлаш ва бошқа йўналишлар бўйича қўмиталари депутатлари ҳам жой олган эди. Бугун Пан Бён Сок бошчилигидаги делегация Сеулга қайтиб келди. Инчон халқаро

аэропортида Ўзбекистоннинг Жанубий Кореядаги Факултетида ва мухтор элчиси Виталий Феннинг Пан Бён Сок билан қисқа мулоқот қилиб ўтди.

Пан Бён Сок ташрифдан олган таассуротлари ҳақида гапирар экан, Ўзбекистонда ўтказган барча учрашув ва мулоқотлари самарали ва сермазмун бўлганини эътироф этди.

— Айниқса, Ўзбекистон Президенти Шавкат Мирзиёев билан учрашув дўстона, самимий ва очик руҳда ўтди. — деди сиёсатчи. — Биз мамлакатларимиз ўртасидаги кўп томонлама ҳамкорликнинг бугунги ҳолати ва истиқболлари ҳақида гаплашдик. Суҳбат чоғида соғлиқни сақлаш, таълим, мактабгача таълим, инновацион ривожланиш ва бошқа қатор йўналишларда алоқаларни янада кенгайтиришга алоҳида эътибор қаратилди.

Бундан ташқари, Ўзбекистон Республикаси Олий Мажлиси Сенати Раиси Танзила Норбоева, Қонунчилик палатаси Спикери Нурдинжон Исмоилов билан бўлиб ўтган музокаралар ҳам самарали бўлди.

Давоми 2-бетда

## ҚИЁСИЙ РАҚАМЛАР

Ўзбекистонда фаолият кўрсатаётган корхона ва ташкилотлар сони

Йили	Сони
2001 йили	118749 та
2010 йили	200951 та
2020 йили	398143 та

(Деҳқон ва фермер хўжалиқлари ҳисобга олинмаган)

Манба: Давлат статистика қўмитаси